

**GLOBAL  
CORRUPTION  
BAROMETER 2016**

**KALAALLIT NUNAANNIT  
PINGAARNERTUT  
INERNERIT**

## TI AAMMA TIG PILLUGIT, NAATSUMIK

Transparency International nunarsuaq tamakkerlugu suliniaqatigiiffiuvoq ataatsimik suliniuteqarfiusoq, tassalu anguniarneqassasoq nunarsuarmi politik-ilerinerup, inuussutissarsiornerup, inuinnat akornanni ulluinnarnilu inuunerup iluini peqquserlunniarnermik peqarunnaartitsiniarnissaq. Nunarsuaq tamakkerlugu immikkoortortaqrifiit 100-ut sinnerlugit amerlassuseqartut aammalu nunarsuaq tamakkerlugu qitiusumik Berlin-imi allattoqarfeqarnerput aqutugalugit takorluugarput tassaavoq anguniarniassallugu inissisimanermik atornerluilluni peqquserlunniartarnerup akiorneqarnissaa.

Kalaallit Nunaanni Transparency International 2011-mi pilersinneqarpoq inuussutissarsiortunit, eqqartuussisuserisunit, suiffeqarfinni pisortanit allanillu soqutiginnittunit akimut ersinnerusumik sulisoqarnissamik soqutigisaqartunit. 2015-imilu Transparency International Grønland nunarsuaq tamakkerlugu suliniaqatigiiffimmi tamakkiisumik ilaasortaalerpoq. Nuummi allattoqarfeeqqamit peqquserlunniartarneq akiorniarlugu akimullu ersittumik suleriaaseqarnissaq anguniarlugit suliniuterpassuit isumagineqarput.

# ILISARITITSINEQ TUNULIAQUTAASULLU

Nalileruminaatsipparput inuiaqatigiinni peqquserlunniartarnerup qanoq annertutiginera kisitsisillissallugu. Tamannalumi ajornakusoormat tupinnarpallaarunangnilaq. Peqquserlunniartarnerimmi pineqartut anngiortumik ingerlanneqartuupput taamaak-kamillu avataanit takujuminaatsuullutik. Tassa oqarsinnaanngilagut "imatut peqquserlunniartarneq annertugivoq". Transparency International-imit peqquserlunniartarneq akiorniartarqartoq imatut ilisarnaateqartinneqarpoq "Tatigineqarluni akissusaaffimmik tigummissaq atorlugu imminut iluaquserniarluni atornerluineq". Tassa pineqartuq imaaginnangnilaq anngiortumik iluanaarutigisinnaasanik akuersilluni tiguisarneq aammali tassaalluni iluareqquusaarutiniq akuersilluni tiguisarneq, tunngavissaqanngitsunik tunissutissarsisarneq aammalu ilaqquttat/ikinngutit/halunngisat iluaquserniarlugit anngiortumik iluaqusii- niartarneq.

Paasiumagaanni peqquserlunniartarneq pineqartut ittoq qanoq siammaassimatigisoq, taava paasiniaalluni suleriaatsit nutaat nassaarisariaqarput. Transparency International-imit nunarsuaq tamakkerlugu uuttueriaaseq atornerqartoq tassaavoq nunani assigiinngitsuni inunnik apersuisarneq paasiarlugit takusarsimasaat nunaminilu peqquserlunniartarnerit qanoq it-tuunerinik isumaqarnerat.

Misissuinerit assigiissagaasumik tunngavissiaasoq malillugu oqarasuaatikku apersuinerit ingerlanneqartarpoq, nunani assigiinngitsuni siunnerfilimmik siammasissuseqartumik inuit akornanni ilusiligaasumik. Taamatummi assigiimmik tunngaveqartitsinikkut nunat assigiinngitsut imminnut sanilliusorneqar-sinnaalissammata.

Nunani 50-inik amerlanerusuni misissukkat taava katersorneqarlutik nalunaarusiarineqartarput taaneqartumik "Global Corruption Barometer". Taamatullu mississuineq Kalaallit Nunaanni 2016-imi siullermeersumik ingerlanneqarpoq.

Kalaallit Nunaanni apersuinerit 510-t ingerlanneqarput. Apersorneqartut inuiaqatigiinni siammasissumik aallaaveqartumik inissisimasuupput. Peqataasullu nuna tamakkerlugu siassimapput taakkunanga angutit 53%-iullutik arnallu 47%-iullutik. Apersorneqartut namminneq aaliangersinnaasimavaat kalaallisut qallunaatullunniit apersorneqarusunnerlutik. 390-it kalaallisut apersorneqarusimapput 120-illu qallunaatut apersorneqarusimallutik. Apersuinerit Gallup-imit ingerlanneqarput piffissami 11. januar – 17. februar 2016.

Quppernenni tulluuttuni Kalaallit Nunaanni misissuinerit inernerit takuneqarsinnaaput, taakkulu tassa Europami Global Corruption


Barometer-imut ilanngunneqassapput. Inernerit takutippaat, apeqqutit immersugassiat tunngavilugit innuttaasut peqquserlunniartarneq qanoq takusarsimagaat isumaqarfigaallu. Tassa imaappoq, Kalaallit Nunaanni peqquserlunniartarnerup annertussusia kisitsisinnngorlugu naatsorsuusiarineqanngilaq misissorneqarlunili tamanna innuttaasunit qanoq misigineqar-tarsimasoq qanorlu isumaqarfigneqartoq. Taaneqassaaq misissuineri eqqarsaatigilluagaasumik oqaaseq korruption/peqquserlunneq toqqaannartumik atornerqanngimmat – taamaammalu akissutit imminneq takutissorpaat apersorneqartut pineqartuq qanoq oqaasertalerlugu nalilerumaneraat.

Transparency International Greenland-ip tungaanit akunnaat-tuungassutigineqarsimangilaq, Kalaallit Nunaata misissuineri peqataatinneqartariaqarnera. Pisumilu tassa innuttaasut siullerpaasumik sammineqartoq pillugu apeqquteqarfigneqarsimapput taamaammalu aamma siullerpaamik tikkuussivigineqarpu-gut qanoq annertutigisumik innuttaasunit peqquserlunniartar-neq misigineqartoq nunani allani pisunut sanilliusisutigineqar-sinnaasumik. Transparency International Greenland-imi immin-nermi peqquserlunniarnermik taaguut Transparency Internatio-nal-imi atuneq malillugu isumaqartippaat: "Peqquserlunniartar-neq tassaavoq tatigineqarluni pissaanermik inissisimaffiusumik atornerluineq". Kalaallisut oqaaseq "peqquserlunneq" atorpar-put. Apersuinerinilu oqaaseq pineqartoq toqqarlugu atornerqan-gilaq, taamaammalu apersorneqartut ataasiakkaat pineqartup qanoq oqaasertalerlugu inissinneqarnissaa imminneq aalia-ngerpaat. Apersuinermit assersuut: Qallunaatut apersuineri apeqqut imatut ilusilerneqarpoq: "Hvor mange af følgende personer, mener De, er involveret i korruption?". Kalaallisullu apeqqut pineqartoq imatut ilusilerneqarluni: "Inunni pineqartu-ni qassimmita atorfimmni ileqqorlunnikuusoraagit? Kalaallisut oqaaseq "ileqqorlunneq" nalinginnaasumik "pitsaanngitsumik pissusilersornertut" isumaqartinneqarpoq. Siulersuisut eqqu-maffigivaat, apersuineri taaguutsit nutserneqarneri atornerqar-nerilu angusanut sunnuteqarsinnaammata. Taamaapporli nu-nani assigiinngitsuni tamani, taamaammalu nalilerneqarpoq misissuineq suleriaqqinnissamat sakkussaasoq kimeqarluartoq.


Paasisatut pissarsiat/angusat suleriaqqinnissatsinni atornerqas-sapput taammalu aamma aaliangiisartunik oqaloqateqarnissat-sinni, tamatumalu pinissaa qilanaaraarput.

Atuarluarisi!

Siulersuisut sinnerlugit



Anita Hoffer, siulitaasoq



Jakob Strøm, siulitaasoq tullia

# KALAALLIT NUNAANNI ANGUSAT AAMMA TAAMATUT TAKUSSUTISSIARALUGIT :

1.

**APERINEQARTUT AFFANGAJAAT ISUMAQARPUR UKIOQ KINGULLEQ PEQQUSERLUNNIARTARNEQ ANNERTUNERULERSIMASOQ**

(11% annertusisimaqaaq, 37% annertusisimavoq)



2.

**APERISAT PINGASUUGAANGATA MARLUK ISUMAQARPUR NAALAKKERSUISUT PEQQUSERLUNNIARTARNEQ AKIORNIARLUGU ILIUUSEQANNGIPPALLAARTARTUT**

(25 % ajorluinnarpoq , 38 % pitsaanngilaq)



3.

**5-IUGAANGATA 1**

**ISUMAQARPOQ NAALAKKERSUISUT/ NAALAKKERSUISUT SIULITTAASUAT PEQQUSERLUNNIARTARTUT/-TOQ**




**6-IUGAANGATA 1**

**ISUMAQARPOQ INUUSUTISSAR-SIORNERMI PISORTAT PEQQUSERLUTTARTUT**

4.

**PEQQUSERLUNNIATTARNEQ MIANERISASSATUT ILIUUSEQARFIGINEQARTARIAQARTUT PINGAARNERIT ARFINILLIT AKORNANNIIPPOQ**

**QULEQUTTAT MAKKU PINEQARPUR: ANINGAASAQARNEQ/SULIFFISSAALEQINEQ, ILINIAGAQARNEQ, PEQQINNISSAQ, AVATANGISIT AAMMA PINERLUNNIARTANEQ.**



5.

**10-UGAANGATA 9**



**PEQQUSERLUNNIARTARNEQ AVATAANUT ERSERSINNEQARTARIAQARPOQ**

Akissuteqartut 91%-ii misigisimapput peqquserluttunik malussarunik nalunaarutiginnittariaqarlutik, 60%-iilu nalinginnaasumik akuerisimaarinnipput Kalaallit Nunaanni peqquserluttoqartillugu nalunaruteqarnissamut.

6.

**4-RAAGAANGATA 3-T SINNERLUGIT**



**APERISAT SISAMAAGAANGATA PINGASUT ISUMAQARPUR INUIT PISUUT INISSISIMANERTIK ATORTARAAT NAALAKKERSUISUT SUNNERNIARLUGIT IMMINEQ SOQUTIGISATIK SIUARSARNIARLUGIT – TAMATUMUNNGALU SUKANNERNERUSUNIK MALITTARISASSAQARTARIAQARTOQ**

(77% oqarput 7-10 tassani 10 qaffasinnerpaajulluni oqariartornermi 'oqariartuut isumaqatigilluinnarpara')



# MISISSUINERMIT ANGUSAT

Misissuineq oqarasuaatikkut apersuinermit 510-nik tunngaveqarpoq Kalaallit Nunaanni innuttaasunit siammasissunik peqataaffigineqartumik. Apequtigineqartuni tunngaviusut Transparency Internationalimi najoqutaasiaasut naapertorlugit ingerlanneqarpoq annikitsunnguamik allannguutimer-nit pissanngikkaanni. Apersuinerit apersorneqartup nammi-neq aaliangigaanik kalaallisut qallunaatulluunniit ingerlan-neqarput piffissami 11. januar – 17. februar 2016.

- 1. Peqquserlunniartarneq ukiuni kingulliunerusuni annertusiartorsimasutut misigineqarpoq**

Aperineqartut affaasa missingi isumaqarput ukioq kingulleq peqquserlunniartarneq assut annertusisimasoq, 37%-it isumaqartut annertusisimasoq/ajorteriarsimasoq. Sanilliullugu 14%-iinnaat isumaqarput peqquserlunniartarneq ukiumi kingullermit appasinnerulaarlarsimasoq.
- 2. Naalakkersuisut peqquserlunniartarneq akiornialugu iliuuseqanngippallaarput**

Akissuteqartut 25 %-ii isumaqarput naalakkersuisut peqquserlunniartarneq akiornialugu sullarluppallaartut. 38%-iusut isumaqarput akiuiniarneq pitsaanngitsumik ingerlanneqartoq.
- 3. Akissuteqartut akornanni tatigineqannginnerpaaput naalakkersuisut inussutissarsiornermillu ingerlataqartut pisortaat**

Akissuteqartut 22 %-ii akippit naalakkersuisut naalakkersuisunilu siulittaasooq "sinneruttullu tamangajammik" peqquserlunniartartuusut taamallu aamma 16%-init isigineqarlutik Kalaallit Nunaanni Inuussutissarsiornermik ingerlataqartut pisortarisaat. Tatiginartinneqarnerpaatullu

isigineqarpoq eqqartuussisoqarfik taamaallaat 5%-init tatiginanngitsutut isigineqartoq.

- 4. Akissuteqartunit sammiviit arfinillit pingaarnepaatut oqallisigisariaqartutut/sammineqartariaqartutut isigineqartut makkuupput**

20%-it peqquserlunniartarneq pingaarnert arfiniliusutut 6-attut oqallisissatut isigivaat, siulii imatut inissineqarlutik: Aningasaqarneq/sulliffissaaleqineq (74%), Ilinniagaqarneq (57%), peqqinnissaq (48 %), Avatangii-sit (25%) aammalu pinerlunniartarneq/ Isumannaatsuu-nissaq (24%).
- 5. Peqquserlunniartarneq avataanut ersersinneqartariaqarpoq**

Akissuteqartut 91 %-ii oqarput peqquserlunniarnernik paasisaqarunik misigisimallutik pisussaaffeqarlutik nalunaaruginninnissamat, 50%-illu isumaqarput Kalaallit Nunaanni nalinginnaasuusooq peqquserluttoqartillugu nalunaarutiginnissaq akuersaagaasoq. Tamanna tunuliaq-serneqarpoq akissuteqartut isumaqarnerannik akerliu-sutsimik, suliumajunnaarnermik allatullu ersersitsiniar-luni takutitsinermit oqartussaasunut tusagassiutigullu saqqummiussinerit peqquserlunniarnernik pinaveersaar-titsiniarnermi aqqutigissallugit pitsaanerpaajusut.
- 6. Pissaqarluartut/pisuut nalakkersuisut tungaannut oqaasissaqartitaavallaqaat**

77% -it isumaqatigaat inuit pisuut namminneq soqutigi-satik sullikkumallugit naalakkersuisunik aqutsisarnerat nalinginnaavallaartoq, taamaattumillu taamaattut pin-gitsoortissinnaalerumallugit sukaterisoqartariaqartoq.

# UAGUT NAMMINEQ MISISSUINEQ PILLUGU ISUMMERSUUTIGUT

Transparency International Greenland-imi siulersuisut misissuinerup ineneri nalilersuiffigalugit oqallisigivaat, mak-kulu immiklut erseqqissarlugit saqqummiukkumallugit, isumaqarfigigamikkut maluginiarneqarnerpaasariaqartut:

- Peqquserluttarneq innutaasunit unammillernartutut isigineqarpoq pimoorullugu tiguneqartussaasutut. Taamaattumik pingaartuuvoq avammut akimut ersittumik ingerlatsinermik pilersitsinissaq pisariaqartinneqarlunilu pisortat iluini namminersorlutillu inussutissarsiateqartut akornanni peqquserliorsinnaanermut navialiffiusinnaasut alaatsinnaanneqarlunartariaqarnerat. Aammattaq pingaartuuvoq sunik eqqunngitsuliortoqartillugu kinguneqartitsisarnissaq.
- Pitsaasuvoq siammasissumik isigalugu innuttaasut peqquserlunnianernik paasisaqarnerni nalunaarutiginnittarnissamut ammasuunerat, apersuinernilu erserpoq taamak iliornissaq ersissutigineqanngitsooq – oqaatigineqartut aallaavigisinnaagaanni. Aammalu peqquserlutoqassagaluarpát misissuillunilu akiuinissamut aqutis-saasinnaasut tatigineqarput minnerunngitsumik eqqar-

tuusseqarfik eqqarsaatigalugu aammalu isumalluutigineqarsinnaasutut isigineqarlutik pisortarisat tusagas-siorfiillu nalunaaruteqarfigineqarsinnaanerat. Tamakku nalunaarutiginnissinnaanermut aqutissatut taaneqartut akuersaaruminartuullutillu isumannaatsutut isiginarput isumalluarnartunngortillugu Kalaallit Nunaanni peqquserlunniansinnaanermik akiusinnaanerp ilumut periarfissaqarnera. Aammali taaneqartariaqarpoq isertortumik oqaatiginnissinnaanerp (whistleblower-itut pisinnaanerp) nukittorsarnissaa aammami aqutigisinnasat ilagimmasuk, pisortat imaluunniit namminersorlutik inuussutissarsiortunut atatillugu.

- Immikkuullarissutut isigalugit angusat ilaat immaq uip-pallernartutut isiginarsinnaapput, kisianni maluginiarparput, Kalaallit Nunaata uttuutit assigiinngitsut naaper-torlugit Sverige aamma Holland inissimanermigut naligimmagit, tamannami nunarsuaq tammakerlugu misis-sukkat aqutigalugit takuneqarsinnaammat. Nunallu taaneqartut demokratii aallavigalugu ingerlatsinermi sannilliusuinerni aallaaviusareerput, taamaattumillu siulersuisunit nalilerneqarpoq misissuineq tutsuiginartuusooq.



# MISSUKKAT TUNNGAVIGALUGIT INASSUTIGIUMANEQARTUT

- Peqquserlunniartarneq pillugu FN-ip ataani isumaqatigiissut ilannguffigineqassasoq
- Ukiuni kingullerni oqartussaaffeqarfiit suliffeqarfiillu arlaqartut ammanerusumik sulilernissaq anguniarlugu suliniuteqalersimapput taamallu peqquserlunniartarnerup navialiffiusinnaasutut minnerulersinnissaa anguniarneqalersimalluni. Taamatut suliniutit pitsaasut avammut erseqqinnerusumik tusarliunneqartariaqarput, tamannalu ilaatigut pisinnaavoq malitsigisaasumik iliuseriniakkat tusarliunneqartalerisigut. Suliniutit qanoq angusaqarfiusimappat?
- Ataatsimoorussilluni peqquserlunniartarneq pillugu paasititsiniaanerit ingerlatilerlugit – Taamaattut suuppat qanorlu iliortoqassava taamatut pisunik paasisaqaraanni?
- Whistleblower-itut (tassa isertorluni) nalunaarutiginninnissamut periarfissatut aaqjissuussat sakkortusillugillu ersinnerulersillugit tamatut iliornikkut paasinartunngortillugu nalunaarutiginnittut qanoq mianerineqarlutillu illersorneqarnissaat.



Transparency International Greenland

[info@transparency.gl](mailto:info@transparency.gl)

[www.transparency.gl](http://www.transparency.gl)

Transparency International

[www.transparency.org](http://www.transparency.org)